

**«Հայաստանի Հանրապետության կառավարության
2002 թվականի հուլիսի 25-ի N 1392-Ն որոշման
մեջ փոփոխություններ և լրացումներ կատարելու
մասին» ՀՀ կառավարության որոշման նախագիծ**

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

_____ի 2019 թվականի N _____-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2002 ԹՎԱԿԱՆԻ

**ՀՈՒՆԻՍԻ 25-Ի N 1392-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ
ԿԱՏԱՐԵԼՈՒ ՄԱՍԻՆ**

Ղեկավարվելով «Նորմատիվ իրավական ակտերի մասին» Հայաստանի
Հանրապետության օրենքի 34-րդ հոդվածով՝ Հայաստանի Հանրապետության
կառավարությունը **որոշում է**.

1. Հայաստանի Հանրապետության կառավարության 2002 թվականի
հուլիսի 25-ի «Հայաստանի Հանրապետության պետական
հանրակրթական ուսումնական հաստատություններ» պետական
հիմնարկները վերակազմակերպելու, «Հայաստանի Հանրապետության
պետական հանրակրթական ուսումնական հաստատություն»
պետական ոչ առևտրային կազմակերպության օրինակելի
կանոնադրությունը հաստատելու, Հայաստանի Հանրապետության
կառավարության 1998 թվականի հոկտեմբերի 28-ի N 661 որոշման
մեջ փոփոխություններ կատարելու և 1996 թվականի մայիսի 15-ի N
150 որոշումն ուժը կորցրած ճանաչելու մասին» N 1392-Ն որոշմամբ
հաստատված հավելված N 3-ի՝
- 33-րդ կետը լրացնել հետևյալ բովանդակությամբ 1-րդ ենթակետերով.

«13.1 խորհրդի յուրաքանչյուր նիստից հետո երկու աշխատանքային օրվա
ընթացքում նիստի արձանագրությունը հրապարակում է դպրոցի

պաշտոնական կայքում.».

- 41-րդ կետում «առնվազն վեց անդամ» բառերը փոխարինել «առնվազն 7 անդամ» բառերով.
- 78-րդ կետում «երկու» բառը փոխարինել «երեք» բառով.
- 79-րդ կետը լրացնել հետևյալ բովանդակությամբ 1-րդ ենթակետով.

«1.1) դպրոցի տնօրենի պաշտոնի թափուր տեղի հավակնորդի ներկայացրած զարգացման ծրագիրը՝ կառավարության որոշմամբ սահմանված կարգով.».

- 80-րդ կետը լրացնել հետևյալ բովանդակությամբ 1-րդ ենթակետով.

«1.1) կառավարության որոշմամբ սահմանված կարգով դպրոցի տնօրենի պաշտոնի թափուր տեղի հավակնորդին հավանություն տալու.».

- 102-րդ կետի 1-ին ենթակետում «երկու» բառը փոխարինել «երեք» բառով.
- Հավելվածը լրացնել հետևյալ բովանդակությամբ 1-րդ կետով.

«103.1. Կառավարության որոշմամբ սահմանված կարգով դպրոցի ծնողական խորհուրդը քննարկում է դպրոցի տնօրենի պաշտոնի թափուր տեղի հավակնորդի ներկայացրած զարգացման ծրագիրը և քվեարկությամբ որոշում դպրոցի տնօրենի պաշտոնի թափուր տեղի հավակնորդի իր թեկնածուին.»:

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը: